



AKCIJA 'BJEGUNAC' **SIPA** obavila pretrese u više gradova

Među dilerima i dvojica policajaca iz Brčkog

Uhapšeno 13 osoba, zaplijenjeno pet kilograma marihuane i 100 grama kokaina

Pripadnici **Državne agencije za istrage i zaštitu (SIPA)** jučer su započeli pretrese na 22 lokacije na području Bijeljine, Distrikta Brčko Bosne i Hercegovine, Špionice, Pelagičeva i Orašja. Pretresi su vršeni zbog postojanja sumnje da su počinjena krivična djela organizirani kriminal u vezi s krivičnim djelom neovlaštena proizvodnja i stavljanje u promet opojnih droga.

Oduzeta droga

Kako su saopćili iz Policije Distrikta Brčko, na 22 lokacije izvršeni su pretresi 18 stambenih objekata, tri vikendice i jednog privrednog objekta, a akcijom je obuhvaćeno ukupno 15 osoba, od kojih su dvije policijski službenici Policije Distrikta Brčko BiH. Uhapšeno je



Policija na jednom od pretresa

(Foto: Pintscreens)

13 osoba, nad kojima će biti provedena kriminalistička obrada. Tokom pretresa pronađeni su i oduzeti 82,7 grama kokaina te

Zajedničke aktivnosti

Pretresi su vršeni prema naredbama Osnovnog suda Distrikta Brčko BiH i pod nadzorom postupajućeg tužioca Tužilaštva Distrikta

Brčko. Ostvarena je saradnja s pripadnicima Policije Distrikta Brčko BiH, MUP-a RS i MUP-a Posavskog kantona.

27,1 gram smjese, 5.936 grama marihuane, tri drobilice, vaga, 170 sjemenki indijske konoplje, 105 tableta, municija, šest ručnih bombi, dva automobila, 21 mobilni telefon s pripadajućim SIM karticama te uređaj za ometanje signala.

Navedene aktivnosti nastavak su operativne akcije „Bjgunac“, koja je započeta 21. novembra ove

godine prema naredbi Osnovnog suda Distrikta Brčko.

Ranije uhapšen

Tom prilikom je na graničnom prijelazu Orašje uhapšena jedna osoba. Pretreseni su i uhapšeni i vozilo. Istog dana na području Bijeljine policijski službenici pretresli su kuću i vikendicu koje koristi uhapšena osoba. **B. C.**



Zaplijenjena marihuana

(Foto: PBDBiH)